



OPĆINSKO VIJEĆE ILIJAŠ

Odgovori na vijećnička pitanja i inicijative sa 26. sjednice Općinskog vijeća Ilijaš održane dana 27.12.2018.godine

Ilijaš: Januar 2019.godine

Općina Ilijaš, ulica 128. Ilijaške brigade br. 6., 71380 Ilijaš
tel. (++387 33) 580-620, fax. 400-505, e-mail o_ilijas@bih.net.ba
Služba za saobraćaj, stambeno-komunalne poslove i građenje
tel. (++387 33) 580-633, 580-672, 580-669



Broj sertifikata: CR070794Q

ALMIR ŠPIODIĆ – vijećnik BPS-Sefer Halilović

Inicijativa: "Pokrećem inicijativu, u ime građana Vratuše – naselje Doci, prema Elektrodistribuciji Sarajevo da preduzme konkretne aktivnosti kako bi se povećao napon na elektro distributivnoj mreži u pomenutom naselju. Obrazloženje: U posljednje vrijeme građani pomenutih naselja, kao krajnji korisnici usluga Elektrodistribucije, imaju problema s radom kućanskih aparata zbog slabog napona koji u nekim domaćinstvima pada ispod 190V u vremenu kada je jeftina tarifa struje. U pitanju je naselje koje ima preko 80 novoizgrađenih objekata i svi su potpisali ugovor sa Elektrodistribucijom Sarajevo u kojem se definisalo koliki napon će se isporučivati građanima za domaćinstva kao krajnjim korisnicima. Molim vas da poduzmete hitno mjere kako bi se građanima koji uredno plaćaju struju isporučivao napon koji je predviđen Ugovorom".

Odgovor: Inicijativa je proslijeđena Elektrodistribuciji Sarajevo.

MUHAMED HANDŽIĆ – vijećnik BPS-Sefer Halilović

Inicijativa: "Pokrećem inicijativu da se u Ilijašu otvori centar za pružanje komunalnih usluga građanima naše općine. Obrazloženje: Naime, građani naše općine su jedini u Kantonu Sarajevo koji nemaju mogućnost da svoje račune, koji im svakog mjeseca stižu – plate dostavljačima navedenih usluga, bez određenog iznosa poštarine koja u prosjeku iznosi od 5 do 10 KM po domaćinstvu. U tom smislu molim načelnika i nadležnu općinsku službu da iznađu mogućnost otvaranja ovog centra, a po ugledu na općinu Vogošća".

Odgovor: Prihvatamo inicijativu i Služba će sagledati mogućnosti za stvaranje prostornih i materijalnih pretpostavki za rješavanje ove inicijative.

Pitanje: "Postavljam pitanje ko će građanima Ilijaša platiti nadoknadu štete za povrede koje eventualno nastanu usljed pada na zaleđenoj pješačkoj zoni ili trotoaru općine Ilijaš? Obrazloženje: Svjedoci smo činjenice neočišćenih trotoara poslije prvog snijega na ulicama centralnog područja naše općine. Postavlja se pitanje ko je odgovoran za takvo stanje, da li općine ili izvođači radova sa kojim općina Ilijaš ima Ugovor (ako ga ima) za zimsko održavanje, te ko je taj na čiju adresu treba uputiti tužbu za slučaj eventualnih povreda građana? Također napominjem da su samo prije 5-6 godina naši trotoari u zimskom periodu bili čistiji i najsigurniji u Kantonu Sarajevo, ali u to vrijeme održavanje je vršeno od strane radnika KJKP RAD kojim je rukovodio g.din Adem Šerak. Želim da dobijem odgovor i da napomenem da na moja pitanja rijetko kad i službe odgovoraju, a rijetko kad i šalju moja pitanja prema većim nivoima vlasti. Ne znam da li su moja pitanja ne ozbiljna pa to radite ili ima neki drugi razlog, ali biće red da pokrenemo i postupke prema vama koji imate obavezu da mi odgovorite ma kakvo pitanje bilo ako nije provokativno".

Odgovor: Građani svoja prava ostvaruju putem nadležnih Sudova koji utvrđuju činjenično stanje, odgovornost, nastalu štetu, te eventualne naknade za štetu. Zimsko održavanje lokalnih i nekategorisanih puteva od interesa za općinu Ilijaš, kao i trotoara i pješačke zone se odvija prema Okvirnom sporazumu i Ugovoru sa izvođačem "Halilović"d.o.o.Ilijaš. Do sada je Služba odgovarala na vaša pitanja i inicijative, a takođe je sve vaše inicijative i pitanja proslijeđivala nadležnim za rješavanje istih.

ALAN ŠERAK – vijećnik SDP-a

"Samo da nadopunim što se tiče zimске službe. Ja uistinu ne znam po programu šta smo to ugovorili sa izvođačem radova, a tiče se održavanja pločnika tj. trotoara – kojih ulica. Svjedoci smo bili da u ul.Omladinska snijeg se sa trotoara nije očistio deset dana nakon padanja snijega, odnosno kada je isti stao. Deset dana, djeca koja idu na autobusku stanicu su morala ići ulicom. Zimska služba nam je postala katastrofa. Prvi snijeg i odmah prvi problemi. Ne znam više koliko godina unazad se mi bavimo ovom tematikom. Načelnice ne valja ti nadzor koji ne radi svoj posao onako kako bi trebao da radi. Dakle, po pitanju zimске službe, ja prvi kao Ilijašanin, nemam ništa protiv da to rade firme koje jesu

iz Ilijaša. To je normalno i ja bi im dodjeljivao posao, ali to ne znači da se oni mogu ponašati onako kako se ponašaju trenutno. Ljudi ne rade bukvalno ništa. Ledena kora nam bila na asfaltu dvije sedmice nakon padanja snijega i svi smo svjedoci toga. Imali smo niz padanja pješaka po cesti, po trotoaru. Staza pored džamije – led. Oni nisu ništa uradili po pitanju spriječavanja poledice. To je suština i to je ono što naša djeca koriste. Tu su i osnovna i srednja škola, svi hodaju i koriste taj putni pravac. Prema tome, zamolit ću općinskog načelnika da itekao povede računa i ozbiljno porazgovara sa svojim nadzorom, jer ovo stanje kakvo trenutno imamo, a tiče se održavanja cesta, puteva i trotoara u zimskim uslovima, je uistinu katastrofa. Za mene lično, ovo je ne prihvatljivo. Zimsko održavanje mi puno platimo i taj neko ima da uradi ono što je navedeno u Ugovoru. Toliko o zimskoj službi i nadam se da ubuduće neću morati oko tih stvari pričati".

Odgovor: Zimsko održavanje lokalnih i nekategorisanih puteva, trotoara i pješačke zone se odvija prema Okvirnom sporazumu i Ugovoru. Služba će pojačati kontrolu provođenja Okvirnog sporazuma i Ugovora sa izvođačem "Halilović"d.o.o.Ilijaš. Komunalni inspektor će pojačati nadzor nad obavezama na uklanjanju snijega koje imaju: upravitelji zgrada, vlasnici stambenih zgrada, korisnici poslovnih zgrada i poslovnih prostorija, po Zakonu o komunalnoj čistoći ("Službene novine Kantona Sarajevo", broj: 14/16, 43/16, 19/17, 20/18). U prilogu je odgovor izvođača radova "Halilović"d.o.o.Ilijaš.

Služba za saobraćaj,
stambeno-komunalne poslove i građenje




«HALILOVIĆ»d.o.o. Sarajevo-Ilijaš

Obala 27 Sarajevo, Ilijaš, Tel 00387 33 403- 244, E-mail infohalilovic@gmail.com
PDV 200473210006, IDB 4200473210006, 065-0-Reg.-15-000247 Kan.Sud Sarajevo
TRN 1602000000073549

Datum:08-01-2019.

Broj: 8-1/19

OPĆINA ILIJAŠ
ULICA 126 ILIJAŠKE BRIGADE BR: 6



Služba za saobraćaj, stambeno-komunalne poslove i građenje

PREDMET: Odgovor na pitanje vjećnika:

1.Muhamed Handžić- vjećnik BPS – Sefer Halilović i Alan Šerak – vjećnik SDP-a, sa 26 sjednice OV održane dana 27.12.2018 godine, a po pitanju Zimskog održavanja puteva

Na osnovu Vašeg dopisa, a koji se odnosi na pitanje vjećnika sa 26 sjednice OV održane dana 27.12.2018 godine, br: 03/1-23-2510/18 od 04.01.2019. godine dostavlja se **odgovor:**

Firma Halilović d.o.o. Ilijaš ima zaključen ugovor broj 04/4-23-2405/18 od 25.10.2018. godine sa Općinom Ilijaš za zimsko održavanje lokalnih i nekategorisanih puteva, trotoara i pješačke zone od interesa za Općinu Ilijaš za zimsku sezonu 2018-2019. godinu koji je podijeljen na:

LOT 1 Urbani ili donji dio Općine

LOT 2 Planinski ili gornji dio

LOT 3 Održavanje trotoara i pješačke zone Centar Ilijaša

Zimsko održavanje definisano je Pravilnikom o održavanju javnih cesta (Službene novine FBiH broj 57 od 24.07.2015. godine), a sve prema prioritetima što je definisano ponudama za sve putne pravce koje mi održavamo.

Član 44 stav 2 kaže:” Da je prohodnost cesta osigurana podrazumijeva se ako visina snijega na kolovozu ne prelazi 10 cm na autocestama, brzim cestama I magistralnim cestama, a na regionalnim cestama do 15 cm, I u koliko je promet moguć vozilima koja su opremljena zimskom opremom.”

Član 48 stav 1 kaže:” Na cestama koje su operativnim programom zimske službe svrstane u I prioritet, radovi na osiguranju prohodnosti moraju se izvoditi permanentno u cilju osiguranja stalne prohodnosti I dovršiti u roku od 5h u nizinskom odnosno 8h u planinskom području računajući od prestanka padavina.”

Član 48 stav 2 kaže:” Na cestama II prioriteta u vrijeme sniježnih padavina I pojave ledene kiše ne smije doći do zastoja u odvijanju prometa duže od 6h u toku dana.”

Član 48 stav 2 kaže:” Na cestama II prioriteta u vrijeme sniježnih padavina I pojave ledene kiše ne smije doći do zastoja u odvijanju prometa duže od 6h u toku dana.”

Član 48 stav 3 :” Operativnim programom zimske službe mogu se pojedine ceste ili dijelovi cesta predvidjeti u III prioritet. Na cestama ovog prioriteta obavezno je stvaranje uvijeta za sigurno odvijanje saobraćaja najduže 72h po prestanku padavina.”

Firma Halilović d.o.o. Ilijaš radove zimskog održavanja puteva izvodila je u potpunosti prema Pravilniku o održavanju javnih cesta Službenih novina FBiH i svi putni pravci bili su očišćeni i prije roka koji su definisani Pravilnikom o održavanju javnih cesta.

Konkretno vijećnička pitanja odnosila su se na održavanje trotoara i pješačke zone pa Vas moramo upoznati da u Općini Ilijaš postoji još jedna firma koja održava puteve od interesa za Kanton Sarajevo, koja čisti ulice u samom gradu i regionalni put R-445 uz koje su vezani trotoari i pješačke staze koje mi kao firma održavamo.

Nije preporučljivo da dvije firme izvođe radove na održavanju puteva iz razloga što je nemoguće uskladiti dinamiku izvođenja radova tako da jedna firma dok čisti ulice, snijeg prebaci na pješačku stazu. Nakon što mi očistimo trotoare, ponovnim čišćenjem, snijeg se ponovo nabacuje na trotoare, i tako u nedogled.

Nije tačno da trotoar u ulici Omladinska nije bio očišćen deset dana od prestanka padavina kako je naveo vijećnik Alan Šerak. Mi smo očistili trotoar, a nakon toga je na trotoar nabačen snijeg sa pomenute ulice.

Kada je u pitanju finansijski dio vrijednosti ugovora što je pitao gosp. Šerak da se zimsko održavanje puno plaća, mora znati da ugovorena vrijednost izvođenja radova nije fiksna te da se obračun vrši po usvojenoj metodologiji obračuna prema stepenima pripravnosti sa koeficijentima 0,50, 0,75 i 1,0.

Apelujemo na sva pravna i fizička lica koja imaju poslovne i stambene objekte da su dužni čistiti snijeg ispred svojih objekata, da snijeg ne bacaju na kolovoz i trotoare, i da svoja vozila propisno parkiraju kako ne bi došlo do ometanja radova zimskog održavanja.

Neprimjerna je izjava gdina Šeraka da “Ljudi ne rade bukvalno ništa.” Ovim putem želimo da skrenemo pažnju, kako gđinu Šeraku, tako i svim drugim vijećnicima i zainteresovanim građanima da radnici firme “Halilović” d.o.o. ulažu nadljudske napore kako bi adekvatno i navrijeme očistili putne pravce, pješačke staze i trotoare.

S poštovanjem!

Direktor:
Sakib Halilović

